

◎ 法制 ◎

大總統暨外交部通告各省都督改定郵政現行辦法電文

各省都督鑒頃據駐甯英德日三國領事奉各該國公使命到部面商改訂郵政現行辦法經本部議定如下（一）郵票由中央政府頒發各省不得另行印用以歸劃一（二）此次新頒發之郵票暫准通行於國內（三）各省現辦郵務各洋員可准其照向章辦理暫勿干預以上各條即希分飭各屬照辦總統孫文外交總長王寵惠元

◎ 令示 ◎

大總統布告國民消融意見蠲除畛域文

今中華民國已完全統一矣中華民國之建設專為擁護億兆國民之自由權利甘漢滿蒙回藏為一家相與和衷共濟不振實業促進教育推廣東球之商務維持世界之和平俾五洲列國益敦親睦於我視為唇齒兄弟之邦因此敢告我國民而今而後務當消融意見蠲除畛域以營私為無利以公益為當謀增祖國之榮光造國民之幸福文謹備備焉

大總統咨參議院設立稽勳局文

蓋聞勸揚之典莫要於賞功服務之官必望其稱職是故官惟其才賞惟其功截然爲兩事斷未有以官爲賞論功授職者也溯我民國自造謀光復稱兵統一以來殉義與積功者既已不可殫數夫在個人私願盡分子之勞決非市賞然準建國通法濫公家之利必當酬庸此賞恤之規制未可不定况賞恤之制未建軍興之際將佐官屬雜以有功與有才者兼任國人之觀聽易淆必有以爲旣樹建國之勳例應得官故有立功而已官者更望因功遷擢其盡命而不及官者亦議按事贈賡如此則帝王以官賞功之流毒不塞竟可以不止現在統一之局大定干戈待偃國家之設官有限而論功者衆借官爲酬與有功不錄皆傷國本是以急咨貴院務請速行建議在臨時政府時代特設一開國稽勳局俟所議通過卽委任專官領受局事對於開國一役調查勳賞應恤之人分別應賞應恤之等詳訂應賞應恤之條再咨貴院議決施行屆時稽勳局卽應取銷其給賞給恤之曹司可議另隸於內部經此鄭重措置庶於南北新舊紛繁錯綜之事實能盡得頭緒而各有歸束於是勳賞議恤可以不漏不濫任官與賞功之界限亦得釐然分析卽目前本總

統與行政各官屬當裁併軍隊批答恤款之際皆有所依循是又足爲臨時維持秩序穩固治安之補助也此咨

大總統覆五洲同志華僑詢推舉袁世凱爲第二臨時大總統函

旅居五洲同志華僑諸君同鑒因推舉袁君爲第二臨時總統紛接來電相爭其詞頗多誤會恕不能縷縷見復謹括舉其要以相答曰諸君盡其心力與內地同志左右挈提仆滿清而建民國今日之已達以此完全民國歸諸全體四百兆人之手我輩之義務告盡而權利則享自由人權而已其他非所問也至於服務之行政團若總統類者皆我自由國民所舉用之公僕當其才者則選焉袁君之性情不苟於然諾當其未以廢君爲可也則持之及其既以共和爲常也則堅之其諾甚濡其言彌信彼之布告天下萬世有云不使君主政體再發生於民國大哉言矣復何瑕疵至彼之委曲求全予亡清以優待亦隱消同氣之戰爭功罪弗居心迹自顯前日之袁君爲世界之一人今日之袁君爲民國之分子量才而選彼獨賢勞正我國民所當慰勉道歉責之以盡瘁愛之以熱誠者也總統既非酬庸之具袁君卽爲任勞之人宜觀其從容敷施以行國民之意使民國之根基由

臨時盡力維持而完固焉我同志其鑒文之微忱

司法部通告各省都督軍政分府調查審判廳及監獄電文

各省都督暨軍政分府鑒本部成立伊始擬實行司法獨立以保護全國人民生命財產凡各省府廳州縣之審判檢察廳監獄等均應切實調查以便統籌全局逐漸改良應請貴都督暨軍政分府轉飭所屬各地方速行詳細調查俟公文表式咨行到日即請分飭照表填報以備查核特此電聞司法部印

陸軍部通告各省都督將前清忠義各祠分別改建大漢忠烈祠電文

各省都督鑒民國統一大功告成凡在同胞永享共和幸福而死難諸烈士或橫被逮捕血肉早已摧殘或戰死沙場而姓名猶虞湮沒亟應荐以血食以慰忠魂懇 貴都督迅將前清忠義各祠分別改建爲大漢忠烈祠彙集各該省盡忠民國死事諸烈士入祀其中由本部派專員致蔡以後即由各執政春秋致奠并於每歲舊歷八月十九日即武漢起義紀念日及新歷二月十五日即民國統一紀念日恭行祀典永以爲例以慰死者之靈以作生者之氣以明昭烈誅奸之義一舉而三善備陸軍部號印

內務部令江南巡警總監掩埋各處停柩文

查南京城內外每多停柩不葬曝露於日光之下一經風雨剝蝕棺木之朽臭氣四出若不亟行安葬恐釀爲災疫於人道既不相宜於衛生亦復有害仰卽派員巡查遇有停柩不葬者立即設法掩埋限本月末一律埋盡切切此令

教育部批浙江旅甯聯合會章亮元等請立案呈

據呈已悉查集會結社應呈請內務部核准無庸在本部立案此批

教育部批揚州音韻算數學學校校長許達請籌設男女音韻算數學校

呈

據稟已悉本部現方規畫學制俟學制定後方能籌議及此此批

教育部批安徽休甯縣教育分會會員汪章瑞等請飭縣維持小學校呈

據呈已悉撥款助學追繳學捐等事係屬於地方行政範圍之內皖都督既行文休甯縣飭令催繳未收及挪用款項在案該會員等應靜候本地民政長查明辦理此批

教育部批瓜州市政長請將前清公產聚和公油坊改爲小學校呈

據呈已悉聚和公油坊房屋前既報効海軍作為公產現欲移作兩等小學校舍是否能行本部無從遙斷仰即呈請本省都督查明立案可也此批

紀事

外交部聘請關應麟為本部顧問照會

為照會事照得本部長承乏外交事繁責重贊襄肇畫亟待賢能夙仰執事精研法律洞識外情襄理外交裨益實非淺鮮茲特聘充本部顧問借重繁才藉匡不逮相應備文照會請煩查照須至照會者

閩交通司請外交部與郵務總辦交涉郵票不必由其逕發電文

交通部總長副長鈞鑒北京帛總辦所定加印臨時中央字樣郵票已發閩行用經本司再三商請閩郵務卜總辦將該票設法收回暫緩行用俟中央政府電覆到閩再行遵辦刻尙未准照覆事關民國主權應請速向帛總辦交涉如何望速復

臨時政府公報 附錄

中華民國元年二月二十三日 星期五
隨報附出 不另收費

北京袁大總統鑒銑電悉此間派定教育總長蔡元培爲歡迎專使外交次長魏宸組海軍顧問劉冠雄參謀次長鈕永健法制局局長宋教仁陸軍部軍需局長曾昭文步兵第三十一團長黃愷元湖北外交司長王正廷前議和參贊汪兆銘爲歡迎員偕同唐紹怡前往北京專迎大駕并令該員等於起程時另電左右孫文嘯

(南京去電)

北京袁大總統鑒頃得安慶孫都督來電稱有志士柳大年號曼清者於陰歷十月中旬同吳蓮伯組織急進會事洩爲趙爾巽派張作霖於甯遠捕去與張涵初等同禁模範監獄今清帝退位民國統一應電袁君慰亭電趙各政治犯立釋等情據此卽電使趙督釋放是所切感孫文嘯

(南京去電)

上海伍廷芳先生鑒巧一電悉所陳姚榮澤案審訊方法極善卽照來電辦理可也孫文

(南京去電)

萬急烟台轉山東胡都督經武鑒銑電悉所陳派代表與魯撫張廣建接洽事甚善卽照來電辦理可也總統孫文皓

(南京去電)

北京袁大總統鑒巧電謹悉南軍各隊早已電令停止進行據尊電所言則或有未接布告而生誤會者今已嚴諭各軍切實遵行矣此復孫文皓

(南京去電)

萬急上海滄洲別墅唐少川先生鑒晉省電言舊政府攻破娘子關後所派入軍隊尙有搶掠之事晉人對於此項軍隊感情甚惡倘不從速悉數撤出恐釀成事端請酌轉袁公辦理孫文皓

(南京去電)

江西馬都督鑒外官制尙未發表尊電欲於各司之外立參謀處承政廳自可權宜暫行此復孫文皓

(南京去電)

孫大總統轉汪兆銘胡漢民馬伯援居正楊玉如田桐諸君及各同志公鑒湖北同盟會支部一節已經同志多人開會兩次公決聯合衆有之共進文學及各種機關成一共和同盟會融化各黨共成一會以促進共和而達惟一之目的所有章程辦法貴處必有條理請詳細函知以使遵行湖北同盟會支部同叩寒

(武昌來電)

孫大總統鑒昨上兩電想達嗣奉尊電慚慙萬狀現在國體初定隱患方多凡在國民均應共效棉蕓惟自揣才力實難勝此重大之責任茲乃竟荷參議院正式選舉竊思公以偉略創始於前而凱乃以輕材承乏於後實深愧仄凱之私願始終以國利民福爲目的當茲危急存亡之際國民既仰公義相責難凱敢不勉盡公僕義務惟前陳爲難各節均係實在情形素承厚愛謹披瀝詳陳務希鑒亮俟專使到京再行面商一切專使何人何日起程乞先電示爲盼肅復袁世凱銑儀代轉

(北京來電)

大總統黃陸軍總長同鑒篠電悉奉境非同內地稍有擾攘必生奇險現趙總督及所部文武已表共和同情自是手足一家何可自相殘殺已電趙公飭馮軍卽停攻擊并請電知藍天蔚以保全大局爲念萬勿進行並須化除嫌隙謹守秩序方不負我輩利國福民之志願想仁人必有同情也袁世凱巧

(北京來電)

南京孫大總統鑒維密頃接北京電開清諭有全權組織字樣南方多反對者實則此層係滿洲王公疑懼以爲優待條件此後無人保障非有此語幾於旨不能降並非項城之意故奉旨後亦未遵照組織政府清諭現在已歸無效若欲設法補救除非清諭重降自

行取消不可又萬萬無此辦法南方若堅持此意實爲無結果之風潮乞公以此意勸解之北方安謐如常奉天幸畧有轉機各使均來道賀尋常各事亦照常辦理士詒等語特轉達儀巧

(上海來電)

孫大總統鑒頃接北京電開到一電悉查此電詒全爲清帝辭位電知從前北方所轄局所暫時維持北方秩序以免員司沒籍吞款起見固無強用政策抵制之意亦無干預之心祇因原稿上寫通行各局字樣收發處遂一概發電以致誤發與招商局不然何以說到臨時政府尙未成立且原電既說明各局則非專指招商局可知然此事究屬員司疎忽希轉知孫大總統代爲道歉並聲明各部行文責公向不知之又此稿既係通行保無另電南方各路電局應一概作爲無效統祈臨時政府見諒除電知招商局取銷前電外謹復士詒十八等語特轉達儀巧三電

(上海來電)

大總統陸軍總長代表伍總長鈞鑒據司令部胡萬泰報稱柳大年號曼青者籍隸湖南卽前在粵起義未成避往東京柳大成之兄在東省多年陰歷十月中同吳蓮伯於奉省組織急進會光復關東與日交涉安事洩爲趙爾巽派張作霖於甯遠捕去與張涵初等

同禁模範監獄今清帝退位民國統一凡同志黨人柳大年等並電袁君慰亭電趙立釋等情據此應請俯准照辦迅速電請釋放以全善類而泯猜嫌不勝叩禱皖都督孫毓筠

(安慶來電)

總統府參議院鈞鑒報載江北各團體及參事會主張江北獨立行省支電敝縣各法團實未贊同請察核鹽城縣教育會季龍圖臨時商會朱德善議會陶鴻慶參事會張延壽等公叩篠

(秦州來電)

孫大總統鑒前准滬都督陳豪電請將前山陽縣令姚榮澤提解來滬審訊茲據解到重應迅速審結以分曲直廷以爲民國方新對於一切訴訟應採文明辦法況此案情節亟大尤須審慎周詳以示尊重法律之意擬由廷特派精通中外法律之員承審另選通達事理公正和平名望素著之人爲陪審員並准兩造聘請辯護士到堂辯護審訊時任人旁聽如此則大公無私庶無出入之弊如以爲可行請卽電復照辦廷芳巧一印

(上海來電)

孫大總統鑒華盛頓奮身百戰及其成功而不私其權利遂爲千古第一人執事爲我國

家民族苦心經營垂二十載備歷艱險百折不磨以有今日大事既定乃毅然以第一次大總統之位推荐項城推者之視天下爲大公受者之引天下爲己任皆以國利民福爲前提而無絲毫成見存於胸中執事坦白之襟懷尤超華盛頓而上之國民具瞻環球同仰新共和偉人君爲吾粵首占一席凡吾鄉人與有榮焉謹抒悃忱用表欽佩梁士詒譚學衡蔡廷幹葉恭綽旅京同鄉三百二十五人同叩

(烟台來電)

南京孫大總統各部總長各省都督各軍司令上海陳都督及各報館均鑒疊接蘇州莊都督江北蔣都督來電言臨時政府地點宜設北京不宜設南京云云鄙意政府設立地點臨時與久永不同民國永久政府將來應設地點就最近情形及交通便利論似仍宜武漢原議卽或改定北京或南京亦非倉猝間往復電文所能解決之問題臨時政府設於南京既經參議院公議孫大總統認可宣布似不必再有爭執自莊公所設問題三則鄙意亦不敢贊同謹臚管見如下一袁公能維持北方秩序係由袁公之德望非以其身在北京也若謂袁公一出北京北方秩序卽不能維持淺測袁公矣一中國歷史向無共和制度今昔勢殊古時建都及控制之說於今日已不適用一外國公使斷無干涉遷都

之理若此事尙不免干涉則此項改革已無布設餘地矣至使館遷移耗費之說則外人尤不致以此小費而輕啓交涉太炎空海兩公之建都論係就永久言之臨時政府設於南京固無衝突於兩公所言也要之此次舉義以改革政治爲目的北京爲專制朝都會綿歷千載專制時代人材政事之積習非一時少數人之所能捐除偷目前卽繼續以北京爲都會則專制時政界之蟻虱勢將播種繼續蕃殖於共和政治之中心卽此流毒之一端已無以鞏固共和之基礎我公宏謀偉識務懇鼎力主持以維大局民國幸甚山東都督胡瑛叩皓

(山東來電)

南京大總統陸軍部總長鈞鑒滬都督上書辭職軍界譁然共和成立首賴東南以爲基礎而東南光復滬督之功中外共曉江南全局實倚長城前因籌備一切上海機關重要蘇甯方面不得不暫行代理現大局已定亟宜統一公議取消滬軍卽推陳公都督江蘇方爲公允若任其告辭軍界同人勢將解體爲此公叩俯准以陳公移節江蘇以維大局東南幸甚中國幸甚滬軍第一師師長吳紹璘正參謀吳晉旅長華振基田應貽團長梁敦騏龔渭霖陶澄孝敖正邦李鐸史秉直金焯徐定清滬軍第二師師長黃郛參謀長何澄

阿穆爾靈圭等前於蒙古聯合會提議經全體議決咸謂臨時大總統一席非公莫能勝任當以此意通電各省茲得直隸山東河南山西江蘇暨伍代表孫中山武昌黎都督蘇州莊都督復電均表同情是則此議已爲全國一致之輿論除由蒙古聯合會備文陳請外阿穆爾靈圭等再代表內蒙用特請公俯順羣情勉肩重任造五六民族之幸福建中華民國之新猷不勝翹盼之至內蒙古全體代表阿穆爾靈圭貢桑諾爾布同啓等因特此電聞內蒙古代表阿王貢王勸

(北京來電)

南京孫大總統鑒山東仇研宣公舉胡瑛爲都督未到任前由齊魯總司令柳成烈代理以安民心山東各界代表汪懋琨石金聲等叩

(山東來電)

大總統陸軍部長黃鈞鑒頃接孫都督電其文曰黎分府鑒前據蕪湖來電據偵探報告執事自稱奉黎副總統命令率兵到蕪等語東昨准陸軍部電取消蕪湖分府由敝處委任陳策爲駐蕪司令并將情形分電南京武昌暨尊處廬州在案此種謠傳從何而來其爲子虛不問可知惟當此大局初定商民誤信風謠轉相驚擾或恐別生事端除電告大總統副總統陸軍部並電蕪湖代公解釋外務希執事等速宣布並無此事以維大局而安人心等語當即電復如下銑電敬悉蕪湖事迫同鄉奔走呼號已非一日宗嶽以我公有維持全皖安甯之責何不與聞其事今蕪偵探妄造謠傳我公代爲解釋殊深感佩至蕪湖善後辦法同鄉自有公論宗嶽決不存私見於其間也特將兩電奉聞大通軍政分

府黎宗嶽叩

(大通來電)

南京大總統武昌黎副總統各省都督公鑒自議和以來廷以疏才謬承重任深惟今日共和思想已普遍於人心北省同胞一時未能相喻致有自相殘殺之慘幸值停戰議和正可藉此時機推誠相與共泯猜嫌同謀進取以南北之合併成恢復之大功蓋所謂議和即與北省同胞和衷商榷之謂迨前清內閣袁君世凱所遣全權代表唐君紹儀至滬彼此開議唐君即宣言欲和平解決惟以北省軍民與十四省起義之民軍情誼或有隔膜意見自不免參差如欲一致進行必宜先避衝突之端以成共濟之美因欲彼此息戰開國民會議取決多數以定國體蓋當時彼此明知全國人心已趨於共和特以是爲表示之作用耳乃事機未熟枝節橫生補救調和費盡心力由是乃有清帝退位之說蓋經一次挫折即多一次進步矣迨袁君布置就緒而北洋統將段君祺瑞等全體一致贊成共和遂以成民國統一之結果中華民國自此完全發達於大地之上誠我五大民族無疆之幸福也廷惟共和事業我大總統副總統率十四省之同胞成之於前而袁君率北省暨滿蒙回藏諸同胞繼之於後會不半載遂竟全功此皆由我全體軍民之苦心毅力磅礴鼓盪大而且速故能收此良果廷受任以來夙夜儆惕慮以覆餗貽羞民國今幸藉我軍民之力全國統一和議告竣謹辭議和總代表之任此後僕當盡國民之天職竭其愚慮以仰贊高明伏祈鑒諒無任禱切全權代表伍廷芳參贊宗堯汪兆銘銑一

本報暫定則例

- 一 本報屆臨時政府刊行故定名為臨時政府公報
- 二 本報以宣布法令發表中央及各地政事爲主旨
- 三 本報暫定門類六曰法制曰令示曰紀事曰電報曰抄譯外報曰雜報
其子目見前
- 四 本報日出一冊如遇國家紀念日星期日政府停止辦公時本報亦休刊一日
- 五 政府對於各地所發令示或宣布法律凡載登本報者公文未到以本報到後爲有效
- 六 凡各官署皆有購閱本報之義務唯具印文請領者皆照定價五折徵

納餘另詳前價目表

本報白

本報局設在大總統府內

總發行南京花牌樓太平街四號

分售處南京中華報

南京中正街昇平橋易安精舍

外埠經售處

鎮江 興漢日報

常州大街老王大昌

蘇州城內因果巷四十一號許宅

上海

民立報

大共和報

時報

申報

新聞報

天鐸報

時事新報

啓民愛國報

神州報

中外日報

上海寶善街公順里仁和號

蕪湖 民立報分館

廣州 中國日報

香港 軍專報

天津 民意報

舊金山 大同報

中西報

少年報

檀香山 自由新報

印刷所 臨時政府印鑄局工廠

團長蔣志清吳淞要塞司令兼要塞步兵團長姜國梁滬軍光復軍總司令李徵五參謀何萬波陳鐵生一等副官應□審團長陳雁聲王若周全叩

孫大總統鑒嘯電悉已電趙督查明釋放袁世凱嘯

(北京來電)

南京孫大總統鑒嘯電敬悉承遣歡迎益增愧汗邇來叨藉仁福北方幸稱安謐將來取道津口或漢口均可從便俟得確電當即派員前迎袁世凱效印

(北京來電)

逸仙先生鑒組織民國事屬創始我公以保國救民爲心顧全大局萬望與袁世凱合助經營締造共和政府以慰四百兆人民之望全國幸甚僑民幸甚呂宋中華商會叩篠

(呂宋來電)

孫中山先生黃克強先生各部長參議院諸君並請代轉各鎮統制協統各師團長各司令長均鑒本代表茲有致項城袁公正式文件其文如下共和國體業經宣布南北政府同時取消臨時共和統一政府亟應成立惟時局之艱已達至極臨時大總統一席非得手猷勳望中外翕服之人斷難肩此重任我公碩望閱手不特國內同欽抑且環球共服此次變起入秉鈞軸力任艱難調劑運旋卒能達國利民福之初旨凡有血氣感戴同深

◎本報廣告◎

查公報官報等體裁多於正報而外有號外附錄以爲登載法律命令以外之件如草案電報議會速記錄等類本報開辦依始法制院所訂草案尙未經參議院議決故門類從權暫定茲特於第十一號以後附出號外雜錄各件以備觀覽前者編輯員誤登閩都督府件如有號外附錄則似無此種雜之患也

特 白

◎本報特白◎

本報開辦伊始趕急排印出版手民過於動勞茲定星期一休息一天

總統府印鑄局工廠開工廣告

本局昨奉

大總統命令已將南洋印刷工廠收歸印鑄局管理故定名曰印鑄局工廠茲已將貨料購製完備定於初五日開工所有印刷物品不特可供國家之取用而報商各界如有願交易者請隨時到廠與營業科接洽庶不至誤至各品價目均係斟酌至當無論何人決不欺飾特此佈告俾衆咸知

黃復生
彭丕昕 謹白

總統府秘書處廣告

現於本府東西柵門外設立揭示處凡來本府投遞呈件者分別事項量予批答揭示該處以三日爲限過期揭去嗣後凡來本府投遞呈件人等希一體知照總統府秘書處白

教育部徵集國歌廣告

國歌所以代表國家之性質發揚人民之精神其關係至大今者民國成立尙未有美善之國歌以供國民諷誦良用愿焉本部現擬徵集歌譜俟取材較多再敦請精於斯學者共同審定頒行全國倘蒙海內音樂名家制作曲譜並附歌詞郵寄本部不勝企盼之至

教育部謹啟